

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta BiH – prečišćeni tekst („Službeni glasnik Brčko distrikta BiH“ broj 2/10), Skupština Brčko distrikta BiH na 19. redovnoj sjednici održanoj 29. oktobra 2025. godine, usvaja

ZAKON
O IZMJENI I DOPUNAMA ZAKONA O SUDSKOJ POLICIJI BRČKO DISTRIKTA BOSNE I
HERCEGOVINE

Član 1

U Zakonu o Sudskoj policiji Brčko distrikta BiH („Službeni glasnik Brčko distrikta Bosne i Hercegovine“, broj 3/21), iza člana 78 dodaju se novi članovi 78a, 78b i 78c, koji glase:

„Član 78a

(Zapošljavanje policijskih službenika iz drugih policijskih organa)

- (1) Pravosudna komisija može putem javnog konkursa zapošljavati policijske službenike koji su zaposleni u nekom drugom policijskom organu u Bosni i Hercegovini.
- (2) Zapošljavanje iz stava 1 ovog člana može se vršiti za sva radna mjesta s bilo kojim činom, uključujući radno mjesto u činu sudskog policajca, zamjenika komandira Sudske policije, te komandira Sudske policije.
- (3) Policijski službenik zapošljava se u Sudskoj policiji u istom činu koji je imao u policijskom organu u Bosni i Hercegovini u kojem je prethodno bio zaposlen.
- (4) Izuzetno ukoliko se prima u radni odnos za sudskog policajca, zamjenika komandira Sudske policije, odnosno komandira Sudske policije, bez obzira koji čin ima u drugom policijskom organu, najviši čin koji tom policijskom službeniku može biti dodijeljen je stariji narednik Sudske policije, samostalni inspektor Sudske policije, odnosno glavni inspektor Sudske policije.

Član 78b

(Uslovi za prijem policijskih službenika iz drugih policijskih organa)

Pored opštih uslova za zapošljavanje policijskih službenika propisanih u članu 77 Zakona, sa izuzetkom tačke b) u pogledu životne dobi, policijski službenik zaposlen u nekom drugom policijskom organu u Bosni i Hercegovini, mora ispunjavati sljedeće uslove da bi bio zaposlen kao službenik Sudske policije:

- a) da ima status policijskog službenika i odgovarajući čin;
- b) da se protiv njega ne vodi disciplinski postupak za težu povredu službene dužnosti;
- c) da nije u posljednje tri godine disciplinski sankcionisan za težu povredu službene dužnosti;
- d) da nije na suspenziji;
- e) i druge posebne uslove propisane Pravilnikom o unutrašnjoj organizaciji i sistematizaciji radnih mjesta Sudske policije Brčko distrikta Bosne i Hercegovine.

78c

(Ekvivalent činu policijskog službenika Sudske policije)

Ukoliko naziv čina policijskog službenika u policijskom organu u Bosni i Hercegovini nije istovjetan nazivu čina policijskog službenika Sudske policije, priznaju se sljedeći ekvivalenti:

- a) čin mlađi policajac u drugom policijskom organu u Bosni i Hercegovini je ekvivalent činu sudski policajac;
- b) čin viši policajac u drugom policijskom organu u BiH je ekvivalent činu stariji sudski policajac;
- c) čin samostalni policajac u drugom policijskom organu u Bosni i Hercegovini je ekvivalent činu narednik Sudske policije;
- d) čin glavni policajac u drugom policijskom organu u Bosni i Hercegovini je ekvivalent činu stariji narednik Sudske policije.

Član 2

Član 95 mijenja se i glasi:

„Član 95

(Godišnji odmor i odsustva)

(1) Službenik Sudske policije ima pravo na najmanje 20, a najviše 30 radnih dana plaćenog godišnjeg odmora.

(2) Dužina godišnjeg odmora određuje se na sljedeći način:

- a) od šest mjeseci do tri godine efektivnog radnog staža..... 20 radnih dana
- b) od tri do pet godina efektivnog radnog staža..... 21 radnih dana
- c) od pet do sedam godina efektivnog radnog staža..... 22 radna dana
- d) od sedam do 10 godina efektivnog radnog staža..... 23 radna dana
- e) od 10 do 12 godina efektivnog radnog staža..... 24 radna dana
- f) od 12 do 15 godina efektivnog radnog staža..... 25 radnih dana
- g) od 15 do 20 godina efektivnog radnog staža..... 27 radnih dana
- h) od 20 do 25 godina efektivnog radnog staža..... 29 radnih dana
- i) preko 25 godina efektivnog radnog staža..... 30 radnih dana

(3) Način korištenja godišnjeg odmora, pravo na plaćeno i neplaćeno odsustvo, službenik Sudske policije ostvaruje u skladu sa zakonom i podzakonskim aktima koji ovo pitanje uređuju za službenike i namještenike u pravosuđu Brčko distrikta BiH.“

Član 3

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-2030/25

Brčko, 29. 10. 2025. godine

PREDSJEDNIK
SKUPŠTINE BRČKO DISTRIKTA BiH
Damir Bulčević, dipl. oec.